

## Nogometaši BiH večeras u Atini traže četvrtu pobjedu u kvalifikacijama



Nogometna reprezentacija Bosne i Hercegovine večeras u Atini sastaje se sa selekcijom Grčke u osmom kolu grupe J kvalifikacija za Evropsko prvenstvo 2020. godine.

Izabranici selektora Roberta Prosinečkog trijumfom nad Finskom u Zenici prije tri dana ostali su u igri da kroz kvalifikacije izbore plasman na smotru najboljih evropskih selekcija.

S druge strane, Grci su izgubili sve šanse da se plasiraju na EP, ali u taboru bh. reprezentacije su uvjereni da im to neće olakšati posao u večerašnjem meču.

– Grčka ima novog trenera, dosta novih igrača i sigurno žele da se pokažu u najboljem svjetlu. Oni će sutra dati sve od sebe, ko god da bude nastupio. Neće to biti laka utakmica za nas. Mi ćemo pokušati da igramo u visokom ritmu, jer na taj način smo pobijedili Finsku. Svi su igrali kao jedan i borili se i jedino tako možemo pobijediti i Grčku. Naravno, nije isto igrati na svom terenu i u gostima, ali mi ćemo uraditi sve kako bismo osvojili tri boda – kazao je Prosinečki na pres-konferenciji u Atini.

Selektor BiH neće moći da računa na povrijeđenog Šunjića, a problema imaju Višća i Kvržić. Ostali igrači su zdravi i spremni za utakmicu.

Susret Grčka – Bosna i Hercegovina igra se od 20.45 sati.

Glavni sudija meča je Nijemac Felix Zwayer, a pomagat će mu zemljaci Thorsten Schiffner i Marco Achmüller. Četvrti sudija je Christian Dingert.

Grčka i BiH su se do sada sastajale deset puta. Četiri pobjede ostvarili su Grci, BiH jednu, a pet utakmica je završeno remijem. Gol razlika je 15:8 u korist Grčke.

Reprezentacija BiH ovaj meč dočekuje kao četvrtoplasirani tim u grupi J sa 10 bodova, dok je Grčka peta sa pet bodova.

U preostala dva meča osmog kola u ovoj grupi sastaju se Finska – Armenija (18.00) i Lihtenštajn – Italija (20.45).

Tabela grupe J:

1. Italija 7 7 0 0 20:3 21
2. Finska 7 4 0 3 9:8 12
3. Armenija 7 3 1 3 13:12 10
4. Bosna i Hercegovina 7 3 1 3 16:12 10
5. Grčka 7 1 2 4 7:12 5
6. Lihtenštajn 7 0 2 5 2:20 2

60

SHARES

[\\_ Share on Facebook](#)

-

[\\_ Tweet](#)

-

-

[Follow us](#)

-

[\\_ Share](#)

-

[\\_ Share](#)

-

[\\_ Share](#)

-

[\\_ Share](#)

-

[\\_ Share](#)

Date: 15-10-2019